

اجتهاد

Adresse:

Idjtihad Constantinople

Téléph: St. 865

XVIII^{me} ANNÉE

1 Août: 1923 — No. 156

اداره خانہ سی

جفال اوغلندہ « اجتهاد نھوی »

تلفون: استانبول ۸۶۵

« اون سکزنجی سنہ تأسیسیہ »

نومرو ۱۵۶ — ۱ آغستوس ۱۹۲۳

حیاتی ، فلسفی ، اجتماعی فکر غزته سی

غزل

ادیب فاضل سہوالمولوی بک افندی بہ

مقدسدر تماثل سوادن دور اولان کوکلم ؛
 تجلیزار مولادر فضای نور اولان کوکلم .
 سماوی بر جهانک کہبہ ویرانیدر الحق
 جناب حقہ ہر دم ناظر ومنظور اولان کوکلم .
 اونک اذواق صیغماز عقلہ ، بر مست الہیدر
 ہم نالان درد عشق ایکن مسرور اولان کوکلم .
 تجلیساز ایدر ہر پارہ سندن وجہ باقی
 بد قدرتہ بر آینہ مکسور اولان کوکلم .
 اولور ہر آہ بر سوزیلہ اہل حالہ وجد آور
 حرم عشقہ ہم نالہ منصور اولان کوکلم .
 دکدر آشنا صوت بلند « ان ترانی » بہ
 کلیم عشق ایچوق وصلتنا بر طور اولان کوکلم .
 نہ عاجیاجدر شاہانہ عرض افتقار اتمز .
 ہم درکاہ مولانادہ کمتر مور اولان کوکلم .

ازمیر - توفادی زادہ

شکیب



کور چوبان

بن اوزون یولاری ، ایسیسز یولاری ،
 سورم دنیاہ ہر شیدن فضلہ ،
 دویدم کہ : عاشقرا ایچوب روز کاری
 سودیکم یولاردن کچرمش سازلہ ...

بک تکین اولمایان ہر اوزون یولی ،
 درویشلر ، پرلر ، جینلر بیلمیش !
 اولمازمش اونلرک ہیچ صاغی صولی ،
 ربہ ایرہلر بو یولده ایومش ...

برکون بن دہ بولدم بر سحرلی یول ،
 کورمک ایستیوردم قوتلو جینلری
 آکلادم بو یولاک قارنجہ سی بول ،
 بردہ قینباقیشلی کوکر جینلری ...

ایکدہیلہ ، چیکدہملہ ، چیتلہ نییک قوفان
 بو یولده کورمیشدم برکون بر کوپک ،
 اپنیدن طوتمیشدی بر اعما چوبان
 بو اعما قلبہ دوقرتمیشدی بک ..

« اصحاب کھف » دن بریدر دی بہ
 اوکا حرمت ایتمہ ، صوقولدم بر آرز !

یوزی بکیزہ یوردی بر آج کدی بہ
 آلدنہ نہ دکنک واردی نہ دہ ساز ! ..

شو حالہ نہ عاشق ، نہ ایرمش بو روح ؛
 سادہ جہ ایچندہ ظلمتلر دولو ،
 طویراغہ طوفاندن صکرہ چیقان نوح
 کبی غیب ایدہ جک کوپکسز یولو ...

بر باشقا دفعہ دہ عینی چوبانک
 اوکنہ دوشمشدی بر قرہ آشک ،
 غالباً کوپکی اولمشدہ آنک
 آشکی کندینہ رہبر ایدہ جک ...

ایشیتدم کہ بر کون کوپک قودورمش ،
 اختیار آشکی بریسی چالمش ؛
 چوبان باشقا دلبل آرامش دورمش ،
 زوالی ، بولامش دلیسز قالمش ...

بو اعما چوباندن بر درس آلدن بن ؛
 ایچمدہ قالمادی ذرہ جک بر شک ؛
 کورلرہ دنیاہ رہبرلک ایدن
 یا بر آج کوپکدر یاخود بر آشک ...

آماسیہ نیسان ۳۳۹ جمیل ستا

محاضرات حقوقیہ

۱

فضاحت لسانیہ ہجری ہفتمہ

(اجتہاد) ک حقوق محبتلرہ تخصیص ایتمیکی سربست کرسی بی
 بوکوندن اعتباراً ، من غیر لیاقۃ اشغال ایدیورم . بو « من
 غیر لیاقۃ تعبیری نہ تواضعاً نہ دہخاییدہ بر ادای تحریر اولدرق
 قوللاندیم . عن قصد بازدم : عدم لیاقتک تحمیل ایتمیکی کلفت
 معنویہ بی بیلمز دکلم . بنا برین (اجتہاد) . بو موضوعدہ بذل
 معاونت ایدہ جک دہا بوکسک صلاحیتدار بر قلمک ظہورندہ
 قلم بر سرور ومنتلہ طولو اولدرق ، آ کا ترک موقع ایدہ جکم .
 فکرآ ، محاضراتہ چکیدیکم حدود سی وتبع بک کنیش
 دکدر . بالطبع محاضرات حقوقیہ ملہ ، معتاد ومدرسوی بر
 حقوق مذاکرہ جیلکی ایتمک نیتی تعقیب ایتمورم . فی الواقع
 شوق حقوقیہ ایچندہ کیفیۃ تبارز ایدنلری نظر تبعیدن قاجیر
 میہ جم . فقط ، ہر شیدن اول غایہ فکر ساحہ سندن (اجتہاد) ی
 ابد زندہ ایدن ، صک عدلی تعبیرنجہ ، تعریفدن مستغنی روح
 قید ناپذیری ، شراقتہ الان قرون وسطائی زنجیرلرک پابند
 ایتمیکی ، مسائل حقوقیہ تبعیتدہ حاکم ورہبر ایتمکدن ،
 تعبیر آخرلہ ، قارا کلنی وارنجاع کار تقالید وعتبات سقیمہ

بحث اولان بر فعل جرمی یی، (فضاحت لسانیه) دیه توصیف قنلان قوانین عصریه ده مثالسز بر جرمی تبعدن، تاریخی و عناصر تشکلی تدقیقدن عبارتدر .



یاوز سلطان سلیم اول، مصرده بر ترکیه کوشه سنده سجاده نشین اولان صوگ خلیفه عباسیدن تقلد خلافت ایتدکدن مسکره، تورکک دین خصوصنده لاقید و مساعفه کار اولان روسی [۱] ایستر ایسته من اصل سنجیه ملیه سنه مخالف بر تقلیه اوغرامقه باشلادی. ایخانلرک، خاقانلرک دینی مساعده کارلنی ایچنده یتیمه سنه رغماً تورک ایچون بوتحول ضروری ایدی. اوغوز قره خانک نسلندن کلدرکاری سوبلین عثمان خاندانی، خاقانلنی خلافتله ده کیشنبجه تورکک، اساطیری «ارکانه قون» دن کتیردیکی، توریه برینه عرب دهاسندن طوغان قهقی کندیلرینه رهبر اتخا ایتدیلر. تورک فطره، دینی قلبه خطاب ایدن براسر لاهوتی کی تلقی ایده. میوردی. او، خاقانک یاساسنه «بودون» ک توریه سنه خلاصه دنیوی برمؤیده مالک قوانین جسمانیه آیشیقین ایدی. بناء علیه، دینی ده یواش یواش اونوره برینه، او یاسا مقامنه قویدی. واونلک ایچون جسمانی مؤیده لر، دنیوی تهیدیلر آراددی. اسلامی اسقولاستیکله روحاً عربلقه تمثیل ایدن تورککلدن چیقمش منورلر خارج قالدینی حلاله هیچ بر تورک، مثلاً مسکراتی دینی عشری اصهری دبه ذکل، خاقانک سالیانسی دیه و بریوردی. ایشته کرک بوکونه قدر موضوعات قانونیه من ایچنده سوروکلنن مثلاً نقض صیام جرمی کی الله عذاب اخرویسندن باشقه دنیوی جزالرده مقنون بولنان افعال، و کرک حکومتک تتر واحتجاب اصردنیسنه مهما امکان اتباع ایچون عصرک صرصر تخربینه مخالفت ایدرجه سنه، اونه دنیوی اتخا ایده کلدیکی عقیم تدابیر هپ شو عرض ایتدیکمز ذهنیتک محصولیدر .

فضاحت لسانیه دیدیکمز فعل جرمی ده بونلردن بری در . ۲۲ مایس سنه ۲۲۷ تاریخنه قدر فضاحت لسانیه دیه السنه خلفده طولاشان فعل قیسیج، تماماً اداری و عرفی ماهیتده تعقیباته تابع طوقولوردی . او زمانک واضح قانونلری، قانون

[*] جنکیز خان الهی تجیل خصوصنده شکک اهمیت اولمیدنی فکرند ایدی. هیچ بر دینی دیکرینه ترجیح ایتوب عموم اهل ادیان عینی سوبده طوقلری اخلافنه مصرانه وصیت ایتمشیدی. احفادنن «بائغوخان» ، سرایمده بولونان کیمسه لرک جلاله عینی الله، او ذات احد وابدیه عبادت خصوصنده الکافی بولدقلری طرزایله تمبدایمکده سربست اولمیدلر فکرند بولنور . بودی خاقان قبلای «درت بووک یتیمه واردر : عیسی، محمد، موسی وسومو نارقودوم «شاکیا مونی» . بونلرک در دینی ده تجیل ایدرم «دیردی .

برینه علمک مشعل حقیقتنی بو بولده ده ایقاد ایلکدن عبارت . بیلیم : بو طرز، تهاکی و دیکلی بر بولدر . فقط طالعلی وفورطنه دکز لرده کزیمکی کندینه اک بووک بر ذوق ایدین قطره انقلابکار بر روحدن، اک خقیف بر مه لنه مک بیله اوینامدنی آسوده وراکد بر ساحده طولاشمق بکنه من .



عثمانی اعیراطور افک صوگ سلطانی اولان محمد وحیدالدین باشدن باشه خطیه و فجیه لرله طولو کچن قصه حیات تسلطک صوگ ساعترلنی حریت افکاره، دها طوغریسی، علی الاطلاق فکر حریته توجیه ایدلش اک چیرکین ایکی تجاوزه برقات دها کیرلتمشیدی . بو بدبخت، محاربات جهان ایچنده اک حقلی تلقی ایدله بیله جک بر جهاده اشتراک ایده نلری، تورک بر نفس حضور واستقلال کتیرمک چالیشانلری فتوالله تلغین و - شرف شهادتن محروم ایده جک درجه ده تکفیره جرأت ایتش، ملک نائل ظفر اولان حقلی طغیان اوکنده، ادعا ایتدیکی امام المسلمین مرقمک کندیسنه تحمیل ایتدیکی اک ابتدائی بورجلری دوشونمکسزین اجنبی بر حکومتک حرب کیمسنه التجا و اونی - قرآنک لسان صریح ایله مؤاخذه ایتدیکی - بر ولی حیات اتخا ایلش ایکن هر منافق کی دینی وواضع دینی - حدناشنا - سانه - جایبه قالدیشمق ریاکارانی اوتکاب ایتش ایدی . صمیمی برایمان قارشوسنده هرکسک بورچی حرمتله اکیلیمکدره . فقط ریا مواجهه سنده هر وجدانی متفکرک وظیفه سی عصیان وریا و نفاق تشهیردر . پیغمبر بلند عزیمک، مسجد ضراری هدم و احراق ایتدیرمسی بو باده بزم ایچون بر درس عبرت وجلادت تشکیل ایدر . ایشته، عثمان خاندانک شو صوگ تاجداریه ده ؟ صرصر قیام ملت اوکنده بحق صارصیلان تحت و تاجنی، نفاق قوقان ریاکارلیقه قورتارمق خلیاسنه دوشدی . غریب بر تصادف اتری اوله رق هم نام ایکی دوقتورک [*] صرف علمی و فلسفی بر اندیشه ایله وقوعبولان نشریاتنی آیلرجه سورن تعقیبات عدلییه هدف اتخا ایتدیردی . صرده زاده (سه ور) عهدنامه سیله، متا وکه دور فترنده کی متسلسل قاره اجرا آتی مستبد ذهنیتی ایله ملک شیعه استقلالنی اولدورمک قالدیشان بولکلی خاقاندن، حزب فکره شو صریح وی مثال ضربه لری اوره رق بر اجنبی غرته سنک دیدیکی کی استقلالک بر بوک منارونی قازمقدن باشقه بر شیعه انتظار ایدله ضردی ؟ فقط، آنا طولیده قادیان ارکله بوتون خاق، شایان حیرت بر فراغت نفس ایله استقلال مجادله سنه حصر مسامی ایلر ایکن سلطان فراریتک شو قصد سفینه بوراده بیللرک بیلیمه رک آت اولمش اولانلره متعیر و متأسف اولماق دن کلز .

بوکونکی مقاله منک موضوعی ؟ فراری سلطانک تحریکیله احداث اولونان بو غریب دعوائی تحلیله ن زیاده بونده موضوع [*] دوقتور عبدالله جودت، دوقتور نه ورولو جودت لصوحی بکار ...

کوره - تحلیل و تدقیق ایده‌لم :

لغة فضاحت، وزالت معناسنه در. فضاحت لسانیه ترکیبی
ایسه رزبلانه سوکوب صایق، دها مونس تعبیرله اطاله لسان
ایتمک دیمکدر. بو موجب قانون ماده مجبوتنه لک لاعلی النعین
بر فعلده مابه الحکم اولسی ایچون اوچ شرط اساس لازمدر.
(۱) فضاحت انبیای عظامه قارشی اولسی .

(۲) علناً وقوعبولسی

(۳) لساناً ایقاعی

متن مادهیه مستند شو تحلیل حقوقیه نظراً سب و شتم
انبیای عظامه قارشی دکل ، العیاذ بالله ، خالق کاشاته قارشی
وقوعبولورسه اشبو ماده حکمی مستلزم اوله‌ماز . علناً ویا
لساناً ایقاع ایبدیلان تفوهات دخی ماده مجبوتنه لک دائره شمولنه
کیره من . ولوکه بو فضاحتلرک چیرکینلکی دها زیاده اولسه
بیله . . چونکه ، قیاساً تحدید جزا ایبدیل من .

شو ایضا حاکمه کوره فضاحت لسانیه علناً ولساناً سب انبیا
فضیحه‌سندن باشقه برشی دکلدر . حوصله عرفان و مساهفه من
نه قدر دار اولورسه اولسون پونی صریحاً سب انبیادن باشقه
حتی حس دیمزی ریجیده ایده بیله‌جک بر علمی وبا فلسفی تنقیده
وهیچ بر حرکت لایالیانه‌یه - ممکن دکل - تشمیل ایده‌میز .
ولوکه ، بونلر دیناً ضلالت ویا کفر تلقی ایدلسون . عکس
تصور حریت اجتهاد و وجدانی کلیاً اولدیرمک دیمکدر که :
عصرک بو ابدی ظفرخی بشریتک الندن آله بیله‌جک بر واضع
قانون تصور ایبدیل من . آرتق کیمسه لر انکار ایده من که :
(زان هوس) لک ، (برونو) لک ، (سه‌روه) لک یا خود
(حلاج منصور) ویا (بدرالدین سیماوی) لک زماننده دکلز ،
بر تورک محکمه‌سی ایسه ، هیچ بر زمان ، بر و طنداشک
خلافت ویا سلامت اعتقادی تنقیده ، حریت اجتهادی صریحه
و تضحیه مأذون قرون وسطای بر محکمه موقعه دوشوروله من
اعتقادنده یز . بوندن باشقه موضوع تدقیق اولان فقره قانونیه لک
زمان تفریقه پلکیقینی اولارق موقع صریحه قانونیلان مطبوعات
قانونک بر ماده‌سی ایدان معرفتله دلیل مستند و تتبع علمی
ماهینده کی تنقیدنی تحقیر و تزییف عه ایتماش و بونی صورت
مخصوصهده تصریح ایلمش ایکن قانون جزا لک دها خاص
بر جرمی معرفت بولنان فقره‌سی - فصل اوله بیلیر که - اولسه
اولسه ضلالت اعتقاد دینله بیله‌جک تنقیدات عادیه و فکریه
علی‌العیا فضاحت هد ایتمک و جزا لاندیرمک حریت شکنمکنه
مساعده بولسون . خلاصه کلام ، فضاحت لسانیه ، ماهیه
محرورشلرک موازنه‌مزلرک ، بر سریرلرک کاریدو . بوقسه ،
عالملرک ، متفکرلرک خطا اولسه بیله ، سمیمیتلرینه باغیشلامه من
لازم کن تهری حقیقت یولنده کی تنقیدات و بیانی دکل . . .
علمی تحریات یالکیز بر مقصد طایفه :

هرچه بادآباد کنه و حقیقته وصلت . . . عالم و متفکرلره ،
بو یولده - (باره‌نناو) لک دپدیکی کی - نه حرمت ، نه محبت ،

جزا منک تماماً لادینی اصلنه خلل کتیرمکی - ظن ایدرم که -
عرفی تعقیبات و مجازاتی التزامدن دها وخیم کورمشلردی . بو
یابده ۱۲۸۰ تاریخ هجر پسنده باشلایه رق ۳۱۶ سنه رومیه سنه
قدر نشر و تعمیم ایبدیلن متعدد اوامر و محررات سامیه وعدلیه لک
متن و روحندن ، فضاحت لسانیه لک تعقیب و تمجیزه‌سنده ، مرحوم
عثمانی سلطنتک حق تشریع و قضاسندن زیاده اریکه خلافت
جالشیلر لک دینی موقعلر لک حاکم اولدینی ا کلاشیلیر .

فضاحت لسانیه تحقیقاتنده مخبرلرک مثلاً سری وعلنی تذکیه
ایدلسی کی ایشه دینی بر چاشنی و برن استثنائی توثیقات فقهیه
بو یابده کی روح حاکمی کوستردیکی کی اصل و تحدید جزا
صلاحیتک ، حائز وکالت مطلقه فرض ایبدیلن صدر اعظم‌له
و برلمش اولسی ده بونک هیئت اجتماعیه من ناهنه دکل ، حامل
ردای خلافت اولان پادشاهک شخصه مضاف بر تعذیر شرعیدن
عبارت اولدینی اوائه و اثبات ایدر .

بو خصوصهده صریح الحکم اولان اوامر عدلیه و سامیه به
نظراً بویه عجیب اصول ممکنه و تحقیقه تابع و کیفی جزا لره -
تعبیر صحیحله اشکنجه‌لره - معروض طوتیلان فعل ، سب نبی
اخلاقسزلندن عبارت ایدی . یالکیز عدلیه نظارتک ۱۷ شباط ۳۱۶
تاریخی تلغرافنامه‌سی بالآخره عینی اصول تحقیق و تمجیزه‌یی جناب
حقه اطاله لسانده بولنانلره ده تشمیل ایتمش ایدی . ۴ تشرین
ثانی سنه ۳۰۲ تاریخی تحریرات عدلیه ده اسافل ناس آره‌سنده
دین و پیغمبره دائر مشائعه عادیه صره‌سینه کچن تفوهات اصل
تأدینک محالرینه بر اقل‌سینه باقیلیرسه شو اصلرک ترهیب ایتمک
ایستدیکي فعلک مخاطبانه کفر و شتم شکننده قالمایه رق طوغروندن
طوغری به جناب حق ایله نبی مکرم افندمنه قارشی قصد
تجاوزله ایقاع ایبدیلن اطاله لساندن ، آچیق ترکیه ایله ، سوکوب
صایق جنتندن عبارت اولسی لازم کلیر . بو اوامر و معاملاتک
کاخانه خط معرفت ، اصلاحات فرمانلری لک تأمینانته و قانون
اساسینک تپی صریحه مخالفی آشکار ایدی : چونکه قانون جزا
ویرمه سبب اتخاذ ایلدوردی . بو عادات ، فتاوی علی افندینک ،
مصرفانه ، وضع و توحید ابتدکی « تعذیر شدید و اخذ موافقه
حبس شدید » حکمک ، اون طوقوزنجی عصرده ده تمادی
تطبیقندن باشقه بر شی دکل ایدی .

۳۲۴ انقلابدن صکره شو معاملات کیفیه لک ابتدائی
قواعد مشروطیتله امکان تألیفی کورلیدی . هیچ اولمازسه
ظواهر فورتلاری ایستندی . ظن ایدرم ، نجم‌الدین منلا بلک
افندینک - تاریخچه عدلیزه لک ولود بردم فعالیت و تجدید
اوله رق قید ایبدیلجک اولان - زمان نظارتلرنده قانون عمومی
جزا لک ده نجی ماده‌سینه ایوم دستورالعمل اولان فقره ،
وضع و علاوه ایلدی . بوکا نظراً انبیای عظام خضرانته
قارشی علناً فضاحت لسانیه به اجتهادی ثابت اولانلر برسنه دن
اوچ سنه به قدر حبس ایله جزا دیده ایبدیل جکلردی .

شیمدی قانوناً بر جرم تشکیل ایدن شو فعلی - منته‌ماده به

فلان وفلان شی دن بحث اولوئیماسی ادعاسنده بولونماق ایسته نیلن شیئک ماهینی آ کلاماق ویاخود صمیمیت دن واری اولماق دیمکدر. آلتیرینه خط دقت چکدیکمز صوئک سطرلراحمد بکله بش آتی سنه اولسکی بر مناقشه صری خاطر لاتدی. یوسف آقچوره وحسین زاده علی بکله حصه ورنده احمد بکله آره مزده جریان ایدن پو مناقشه یی باشقه بر یرده قید ایتمشدک. (اجتهاد) ده بعضی تنقیدات دینیه ده بولوندیغمز دن طولانی احمد بک بزی وطنمزدن چیتمايه دعوت ایتمشدی. کورونیورکه محبمز احمد بکده حقیقی حریت و حقیقی حریت وجدانییه و بونلری ای آ کلامایه دوعرو مهم بر نکامل حصوله ککشدرد. مجلس حکومتده ده اعضا صفتیه بو پرسیمی مدافعه اتده جکئی دوشونه رک متسلی اولدق. فاضل محبمزی اخلاص ایله تبریک ایدرز.

نه صداقت ، نه ده دین و افکار خلق بایند اولمالیدر . . . حر ملتله ، ایمان قدر مساعفه Tolérance ده لازمدر . چونکه ، معلم (بوتی) نك قول مشهوری وجهله ، اعتقادینی انتخاب و اظهار ده سربست اولیان آدم روحنك یایسینی غائب ایتش دیمکدر . مملکتك پك محتاج اولدینی تام ومنور ایمانی یاریم روحلیرده ، ممکن دکل ، بوله میز .

* *

منقرض بر دورک صوئک کونلری بویله بر حریت شکلی بر سقاندال ایله قارار مشیدی. قوتله امید ایدرزکه: یکی تورکیانك ایلك کونلری ده باقمايه مساعفه نك ، حریت فکر و وجدانه متقابل حرمتك نورلریله پارلاسون . . . کنج وزاده انقلاب والیز حیدر بکک بر محفل مخصوصده « اتحاد و ترقینك ، جهل و تعصب قارشوسنده قورقافاندن انتحار ابتدیکئی سویله کلربی طوبدم : پک طوغری . . شو حالده یکی خلق تورکیاسنك قاره قوته قارشی مظفریت قاهره سنی مستریخانه ، بکله بیلرز دیمک.

بوالایمان ا . ع .

حرکت فکریه

(تورک یوردی) مجموعه سنك تکرار انتشاره باشلادیقئ ممنوتیله کچن نسخه مزده یازمشدق و احمد آغایف بکک (اوج مدیت) عنوانی مهم و عالمانه مقاله سنی نظر اعتشایه عرض ایتش ایدک . احمد بکک مقاله سندن شو سطرلری پک جالب دقت بولیورز .

بوگون آره مزده آوروپا مدینتک تفوق و غلبه سنی تقدیر ایتمه ین همان هیچ بر صاحب ادعان قالماشدر . فقط بو تفوقی مذکور مدینتک یانکیز بعضی عناصرینه مثلا علوم و فنوننه عطف ایدره رک دیگر جهتلردن صرف نظر ایتک ایسته ینلر واردر. تعبیر آخرله بو کیلر آوروپا مدینتکده مشاهده اولنان بر چوق نقصان و حق منفور جهتلردن قورونولق نیقی ایله مذکور مدینتک برسوزکچدن کچیریله سنی آرزو ایدیورلر . بوکی فکریلری درمیان ایدنلر صمیمی دکلر ایسه منطق عوامه اویماق ایسته - ینلردر ، صمیمی ایسه لر مدینتک نه اولدیقئ بحق تقدیر ایدمه ینلردر . . . بر زمرة مدینه غیر قابل تجزی بر کل در . بر طرفدن سربستی کلام ایسته مک و دیگر طرفدن ده

خلق ساناتوروملری

صمیمی صمیمیله ده

آلمانیا ده حرب عمو میدن اول جکر وری بو کونئی کی چوق دکلدی . حربی تعقیب ایدن سنه لرک ایستاتستیکلری بزه پک قورقچ رفقر کوسترمکده در . غذائی یوقسوللغه قارشی آلمان اوباب صرفانك مجادله سی ارباب علممز ایچون پک عبرت بخش در یوراده یالکیز خلق ایچون تأسیس ایدیان ورم سانا . تورملردن بحث ایتک ایستیورم . ورم خسته نی پک چوق اولان مملکت مزده بوخسته لر ایچون پک صیفیناجق اوفاق بر مؤسسه وجوده کتیره مدک . آوروپاده ساناتوروملرک بر چوغی ، زنکیئلرک هدایه ویا وصیت لریله انشا ایدلشدز .

آلمانیا ده ورم ساناتوروملری مختلف درجه لرده در . آلمانیا ک مشهور ساناتوروی (قره اورمان) جو ارنده در . بوزنکیئلر ایچون ویهالی لوکس بر ساناتوروملر . حکومت عائد اولان (پلانک) ساناتوروملرک بحث ایدمک . بوراده بر تورک ضابطنك تدای ایدلریکی ایشتیم . زیارتنه کیتدم .

صاغلام انسانه هر یردن زیاده محتاج اولان مملکت مزده بر استقلال فدائیمی آق جکرندن خسته لایجه باریناجق بر بر بولامبور . طبیی بو ضابط آرقاداش وطننده کندیمی ایوا ایدمک بریر بولایمجه یاراسنك دوشوکلکی حبیبله آلمانیا قوشیور . اگر آلمانیا دخی اسویچره کی بهالی اولسه ایدی . طبیی بورایه کله میه جک ، مملکت مزک بوکور بوز ضابطی یا خسته .